

Pravo na povratak

Kada pravo na povratak bude u potpunosti ispoštovano, svi građani u Bosni i Hercegovini imat će koristi od toga, izjavio je visoki predstavnik Valentin Inzko u tekstu objavljenom u današnjem izdanju Oslobođenja.

Tekst je objavljen povodom međunarodne donatorske konferencije koju su u Sarajevu organizirale vlade Bosne i Hercegovine, Hrvatske, Crne Gore i Srbije, uz podršku UNHCR-a, Evropske komisije, OSCE-a i SAD-a.

On je istaknuo da konferencija, čiji je cilj osiguranje sredstava za regionalni višegodišnji stambeni program za izbjeglice i interno raseljene osobe, "odražava novu i unaprijeđenu političku i društvenu stvarnost na području Zapadnog Balkana, gdje države sada djeluju razumno i sarađuju u iznalaženju rješenja za izazove sa kojima se njihovi građani suočavaju."

Visoki predstavnik je potvrdio da nisu svi u Bosni i Hercegovini shvatili da su se vremena promijenila, te je naveo nedavni slučaj u Bijeljini kada je jedan povratnik deložiran iz svoje predratne kuće, koja je prodana na aukciji da bi se proveo sudski nalog za naknadu štete po tužbi koju je podnio privremeni korisnik.

On je ponovo naglasio da u Bosni i Hercegovini pravo privremenih korisnika stanarskog prava da dobiju naknadu za neophodne troškove ne može ugroziti niti prevagnuti nad pravom na povratak iz Aneksa VII.

„Provedba Aneksa VII nije samo želja. To je zakonska obaveza. Međunarodna zajednica radi zajedno sa vlastima u Bosni i Hercegovini kako bi osigurala da se ta obaveza ispuni“, napisao je.

Tekst članka dostupan je u cijelosti na [sljedećem linku](#).